

ქ. ხოზი

2019 წლის 30 ივლისი

ბიუროს წევრთა კანონით დადგენილი რაოდენობა - 12

ბიუროს უფლებამოსილ წევრთა რაოდენობა - 12

ბიუროს სხდომას ესწრებოდნენ ბიუროს წევრები:

1. ედიშერი ჯობავა
2. ტარიელ ალექსანდრია
3. ვლადიმერ ქანთარია
4. დავით ბერაია
5. თეა გელანტია
6. დოდო გაბუნია
7. თენგიზ აბაკელია
8. მერაბ ფილიპია
9. ბექა მამაცაშვილი
10. კახა ლატარია
11. თემური გულუა

ბიუროს სხდომას თავმჯდომარეობდა ედიშერი ჯობავა – საკრებულოს თავმჯდომარე

დღის წესრიგი:

1. ხოზის მუნიციპალიტეტის მერის გ. ქაჯაიას 2019 წლის N04/2466 წერილის განხილვა (ხოზის მუნიციპალიტეტის 2019 წლის იანვარ - ივნისის ბიუჯეტის შესრულების შედეგების შესახებ);

(მომხსენებელი: ტ. ალექსანდრია - ხოზის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე);

2. ხოზის მუნიციპალიტეტის მერის გ. ქაჯაიას 2019 წლის N03/2493 წერილის განხილვა:

• „ხოზის მუნიციპალიტეტის საკრებულოს ზოგიერთ დადგენილებაში ცვლილების შეტანის შესახებ“ დადგენილების პროექტის თაობაზე;

- „ხოზის მუნიციპალიტეტის მერიის საშტატო ნუსხის დამტკიცებისა და ხოზის მუნიციპალიტეტის მერიის პოლიტიკური თანამდებობის პირთა და საჯარო მოხელეთა თანამდებობრივი სარგოების ოდენობების განსაზღვრის შესახებ“ ხოზის მუნიციპალიტეტის საკრებულოს 2018 წლის 18 იანვრის №4 დადგენილებაში ცვლილების შეტანის შესახებ“ დადგენილების პროექტის თაობაზე;

მომხსენებელი: დ. ბერაია - ხობის მუნიციპალიტეტის საკრებულოს იურიდიულ
საკითხთა კომისიის თავმჯდომარე);

3. ხობის მუნიციპალიტეტის საკრებულოს თავმჯდომარის ანგარიში ხობის მუნიციპალიტეტის საკრებულოს მიერ 2018 წელს გაწეული საქმიანობის თაობაზე.

(მომხსენებელი: თ. გელანტია - ხობის მუნიციპალიტეტის საკრებულოს საპროცედურო
საკითხთა კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე - 11, წინააღმდეგი - არც ერთი

დაადგინეს: დღის წესრიგი დამტკიცდეს წარმოდგენილი სახით

დღის წესრიგით გათვალისწინებულ საკითხის განხილვა

1. ხობის მუნიციპალიტეტის მერის გ. ქაჯაიას 2019 წლის N04/2466 წერილის განხილვა (ხობის მუნიციპალიტეტის 2019 წლის იანვარ - ივნისის ბიუჯეტის შესრულების შედეგების შესახებ)

(მომხსენებელი: ტ. ალექსანდრია - ხობის მუნიციპალიტეტის საკრებულოს
საფინანსო - საბიუჯეტო კომისიის თავმჯდომარე)

მოისმინეს: ტ. ალექსანდრია - მომხსენებელმა ბიუროს წევრებს გააცნო ანგარიში ხობის მუნიციპალიტეტის 2019 წლის იანვარ - ივნისის ბიუჯეტის შესრულების შედეგების შესახებ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიამ წარმოადგინა 2019 წლის ადგილობრივი ბიუჯეტის იანვარ-ივნისის შესრულების ანგარიში, სადაც აღნიშნულია, რომ 2019 წლის იანვარ-ივნისის პერიოდში განხორციელებული ცვლილებების გათვალისწინებით ბიუჯეტის დაზუსტებულმა გეგმამ საშემოსავლო ნაწილში 14767,9 ათასი ლარი, ხოლო საგასავლო ნაწილში 17628,2 ათასი ლარი შეადგინა. 2019 წლის ბიუჯეტის 6 თვის შედეგებით შემოსულობების გეგმა შესრულებულია 48,7%-ით, აქედან საგადასახადო შემოსავლები გეგმიური 7750,0 ათასი ლარიდან შემოსულია 4109,4 ათასი ლარი (53%), გრანტები სახელმწიფო ბიუჯეტიდან გეგმიური 6463,3 ათასი ლარიდან მიღებულია 2513,7 ათასი ლარი (38,9%). სხვა შემოსავლები წლიური გეგმით გათვალისწინებული 464,6 ათასი ლარიდან შემოსულია 561,5 ათასი ლარი (120,8%). შემოსულობები არ არის არაფინანსური აქტივების კლებიდან გათვალისწინებული 90,0 ათასი ლარიდან. ბიუჯეტის საგასავლო ნაწილი იანვარ-ივნისის შესრულების მიხედვით ათვისებულია 34,6% (გეგმა 17628,2 ათასი ლარი,

ფაქტიური შესრულება 6098,8 ათასი ლარი). თავდაცვა, საზოგადოებრივი წესრიგი და უსაფრთხოების დაცვა, წლიური გეგმიური 134,1 ათასი ლარიდან იანვარ-ივნისში ათვისებულია 67,7 ათასი ლარი (50,5%); ინფრასტრუქტურის მშენებლობა, რეაბილიტაცია და ექსპლოატაცია – წლიური გეგმით გათვალისწინებული 9487,8 ათასი ლარიდან ათვისებულია 2864,2 ათასი ლარი (30,2%); საგანმანათლებლო ღონისძიებები წლიური გეგმიური 2918,4 ათასი ლარიდან იანვარ-ივნისში ათვისებულია 1102,9 ათასი ლარი (37,8%); კულტურა, რელიგია, ახალგაზრდული და სპორტული ღონისძიებები წლიური გეგმიური 1303,3 ათასი ლარიდან იანვარ-ივნისში ათვისებულია 543,4 ათასი ლარი (41%); მოსახლეობის ჯანმრთელობის დაცვა და სოციალური უზრუნველყოფა - 2019 წლის გეგმიური 659,6 ათასი ლარიდან იანვარ-ივნისში ათვისებულია 183,3 ათასი ლარი (27,8%); ფულადი სახსრების ნაშთი 2019 წლის 1 ივლისის მდგომარეობით 3997,8 ათასი ლარია. გამომსვლელის განცხადებით, კომისიის მიერ განხილულ იქნა ბიუჯეტის ექვსი თვის შესრულების ანგარიში და შესრულების შედეგებს აფასებს დამაკმაყოფილებლად.

სხდომის თავმჯდომარემ მიმართა ბიუროს წევრებს, წარმოდგენილ საკითხთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი საკითხის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი – არც ერთი

დაადგინეს: წარმოდგენილი ანგარიში შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის გ. ქაჯაიას 2019 წლის N03/2493 წერილის განხილვა:

- „ხობის მუნიციპალიტეტის საკრებულოს ზოგიერთ დადგენილებაში ცვლილების შეტანის შესახებ“ დადგენილების პროექტის თაობაზე;
- „ხობის მუნიციპალიტეტის მერიის სამტატო ნუსხის დამტკიცებისა და ხობის მუნიციპალიტეტის მერიის პოლიტიკური თანამდებობის პირთა და საჯარო მოხელეთა თანამდებობრივი სარგოების ოდენობების განსაზღვრის შესახებ“ ხობის მუნიციპალიტეტის საკრებულოს 2018 წლის 18 იანვრის №4 დადგენილებაში ცვლილების შეტანის შესახებ“ დადგენილების პროექტის თაობაზე

მომხსენებელი: დ. ბერაია - ხობის მუნიციპალიტეტის საკრებულოს იურიდიულ საკითხთა კომისიის თავმჯდომარე)

მოსმინეს: დ. ბერაია - მომხსენებელმა ბიუროს წევრებს გააცნო დადგენილების პროექტები: „ხოზის მუნიციპალიტეტის საკრებულოს ზოგიერთ დადგენილებაში ცვლილების შეტანის შესახებ“ და „ხოზის მუნიციპალიტეტის მერიის საშტატო ნუსხის დამტკიცებისა და ხოზის მუნიციპალიტეტის მერიის პოლიტიკური თანამდებობის პირთა და საჯარო მოხელეთა თანამდებობრივი სარგოების ოდენობების განსაზღვრის შესახებ“ ხოზის მუნიციპალიტეტის საკრებულოს 2018 წლის 18 იანვრის №4 დადგენილებაში ცვლილების შეტანის შესახებ“ და კომისიის საერთო დასკვნა, წარმოდგენილ პროექტებთან დაკავშირებით (მასალები ოქმს თან ერთვის) და აღნიშნა, რომ მერიის განმარტებით „ხოზის მუნიციპალიტეტის მერიაში რეორგანიზაციის დაწყების შესახებ“ ხოზის მუნიციპალიტეტის მერის 2019 წლის 26 ივნისის №01-366-01 ბრძანების საფუძველზე 2019 წლის 1 ივლისიდან მერიაში დაიწყო რეორგანიზაციის პროცესი. მათივე განმარტებით, რეორგანიზაციის პირველ - დაგეგმვის ეტაპზე, მერიის სამსახურებიდან შესული წინადადებების საფუძველზე, მერიის ხელმძღვანელ პირებთან კონსულტაციით განისაზღვრა მერიაში განსახორციელებელი ცვლილებები, რომლის მიხედვითაც სტრუქტურული, თანამდებობრივი და ფუნქციური ცვლილება დაიგეგმა მერიის 4 სამსახურში, რომელთაგან 3 სამსახურში განსახორციელებელი ცვლილება იწვევს მერიის და მერიის შესაბამისი სამსახურის დებულებებსა და მერიის საშტატო ნუსხაში ცვლილებას. რეორგანიზაციის პროცესში დაგეგმილია შემდეგი სახის ცვლილებები: 1. მერიის საფინანსო-საბიუჯეტო სამსახურის შესყიდვების განყოფილების სამუშაო დატვირთვის გათვალისწინებით, განყოფილებას ემატება 1 საშტატო ერთეული, მეორე კატეგორიის უფროსი სპეციალისტის თანამდებობის სახით; 2. მერიის კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურში იქმნება 1 განყოფილება და 2 განყოფილებას შორის ხორციელდება სამსახურის კომპეტენციას მიკუთვნებული ფუნქციების (მიმართულებების) ახლებურად გადანაწილება, რომლის ფარგლებშიც ამჟამად მოქმედ განყოფილებას ნაწილობრივ ეცვლება ფუნქციები და დასახელება და განყოფილებები ყალიბდება შემდეგი ძირითადი მიმართულებებით და დასახელებებით: „კულტურის, განათლებისა და ახალგაზრდულ საქმეთა განყოფილება“ და „სპორტის, ძეგლთა დაცვისა და ტურიზმის განყოფილება“. ამასთანავე სახელწოდება ეცვლება სამსახურს, მის დასახელებაში ტურიზმის სფეროს დამატებით და ყალიბდება შემდეგი ფორმულირებით: კულტურის, განათლების, სპორტის, ძეგლთა დაცვის, ტურიზმისა და ახალგაზრდულ საქმეთა სამსახური. სამსახურში დაგეგმილი ცვლილებებით სამსახურის საშტატო რიცხოვნობა იზრდება 1 საშტატო ერთეულით - განყოფილების უფროსის სახით. 3. მერიის წვევამდელთა, რეზერვისტთა, სამხედრო

ადრიცხვის, გაწვევის და მობილიზაციის სამსახურის საშტატო რიცხოვნობა მცირდება 1 საშტატო ერთეულით - მეორე კატეგორიის უფროსი სპეციალისტის თანამდებობის სახით; დაგეგმილი ცვლილებებით, მერიის საშტატო რიცხოვნობა მიმდინარე ეტაპისთვის იზრდება 1 საშტატო ერთეულით, რომლის დაფინანსების წყაროდ გამოყენებული იქნება მიმდინარე წლისთვის არსებული ეკონომიები, ხოლო მომავალი საბიუჯეტო წლისთვის შესაძლებელია მისი დაფინანსება სახელფასო ფონდის ზრდის გარეშე, სახელფასო ფონდში არსებული ასიგნებების ღონისძიებებს შორის გადანაწილებით. რეორგანიზაციის პროცესში იმ თანამდებობებზე დასაქმებული მოხელეები, რომელთაც შეეხებათ ცვლილებები უზრუნველყოფილნი იქნებიან ტოლფასი თანამდებობებით. გარდა ზემო აღნიშნული ცვლილებებისა მერიის და მერიის სამსახურების დებულებებში დამატებით ხორციელდება ცვლილება, რომლითაც სამსახურის განყოფილების უფროსის არყოფნისას მისი ფუნქციების შესრულების შესაძლებლობა გარდა განყოფილების მოხელისა, ასევე ეძლევა სამსახურის უფროსს, ხოლო განყოფილების მოხელის არყოფნისას - გარდა სხვა მოხელისა, ასევე განყოფილების უფროსს. გამომსვლელის განცხადებით, წარმოდგენილი დადგენილების პროექტები აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მათი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტებთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტების საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი - არც ერთი

დაადგინეს: წარმოდგენილი პროექტები შეტანილ იქნეს საკრებულოს სხდომის დღის წესრიგში განსახილველად.

3. ხობის მუნიციპალიტეტის საკრებულოს თავმჯდომარის ანგარიში ხობის მუნიციპალიტეტის საკრებულოს მიერ 2018 წელს გაწეული საქმიანობის თაობაზე.

(მომხსენებელი: თ. გელანტია - ხობის მუნიციპალიტეტის საკრებულოს საპროცედურო საკითხთა კომისიის თავმჯდომარე)

მოსმინეს: თ. გელანტია - მომხსენებელმა ბიუროს წევრებს გააცნო, ხობის მუნიციპალიტეტის საკრებულოს თავმჯდომარის ანგარიში, ხობის მუნიციპალიტეტის საკრებულოს მიერ 2018 წელს გაწეული საქმიანობის შესახებ (ოქმს თან ერთვის)

სხდომის თავმჯდომარემ მიმართა ბიუროს წევრებს, წარმოდგენილ ანგარიშთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი ანგარიშის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 11, წინააღმდეგი - არც ერთი

დაადგინეს: წარმოდგენილი ანგარიში შეტანილ იქნეს საკრებულოს სხდომის დღის წესრიგში

დღის წესრიგით გათვალისწინებული საკითხების განხილვის შემდეგ სხდომა დახურულად გამოცხადდა.

სხდომის თავმჯდომარე



ედითური ჯობავა